

Na osnovu člana 23. stav 4. Zakona o ministarstvima i drugim organima uprave Bosne i Hercegovine („Službeni glasnik BiH“, broj 5/03, 42/03, 26/04, 42/04, 45/06, 88/07, 35/09, 59/09, 103/09, 87/12, 6/13 i 19/16) i člana 6. stav (7) Odluke o postupku srednjoročnog planiranja, praćenja i izvještavanja o radu u institucijama Bosne i Hercegovine („Službeni glasnik BiH“, broj 62/14), Ministarstvo vanjskih poslova Bosne i Hercegovine, p o d n o s i

**SREDNJOROČNI PLAN RADA
MINISTARSTVA VANJSKIH POSLOVA
BOSNE I HERCEGOVINE
2025 - 2027**

Sarajevo, april 2024. godine

SADRŽAJ

POGLAVLJE 1: Strateški okvir	3
POGLAVLJE 2: Misija i Vizija	4
POGLAVLJE 3: Učesnici i partneri	4
3.1. Saradnja sa domaćim institucijama	4
3.2. Međunarodna saradnja	5
3.2.1. Saradnja sa međunarodnim partnerima u oblasti ONTOKS	5
3.2.3 Saradnja sa DKP-ima zemalja akreditovanih u BiH	5
3.2.4. Saradnja sa bilateralnim i multilateralnim partnerima i razvojnim agencijama.	5
POGLAVLJE 4: Osnovna programska opredjeljenja	6
4.1. Srednjoročni cilj	6
4.1.a. Bilateralna saradnja	7
4.1.b. Multilateralna saradnja	8
4.1.c. Konzularna saradnja	11
4.1.1. Specifični cilj 1	12
4.1.2. Specifični cilj 2	12
POGLAVLJE 5: Resursi i kapaciteti potrebni za dostizanje ciljeva	13
5.1. Finansijska sredstva	13
5.2. Ljudski resursi	14
POGLAVLJE 6: Okvir za praćenje provođenja plana i evaluacije rezultata	15
6.1. Ključni pokazatelji	15
6.2. Praćenje izvršenja i evaluacija Srednjoročnog plana rada	16
Prilog 1: Akcioni plan Srednjoročnog plana rada Ministarstva vanjskih poslova BiH 2025-2027	

POGLAVLJE 1: Strateški okvir

Ministarstvo vanjskih poslova Bosne i Hercegovine (u daljem tekstu: MVP BiH) je državna institucija nadležna za provođenje utvrđene vanjske politike Bosne i Hercegovine, koje radi na razvoju međunarodnih odnosa u skladu sa stavovima i smjericama Predsjedništva Bosne i Hercegovine, kao i na promociji i zaštiti vanjskopolitičkih interesa Bosne i Hercegovine i njenih građana.

Ministarstvo vanjskih poslova BiH je organ uprave koji je osnovan Zakonom o ministarstvima i drugim organima uprave Bosne i Hercegovine („Sl. glasnik BiH“, br. 5/03, 42/03, 26/04, 42/04, 45/06, 88/07, 35/09, 59/09, 103/09, 87/12, 6/13, 19/16 i 83/17). U skladu sa Ustavom Bosne i Hercegovine, važećim propisima, Bečkom konvencijom o diplomatskim odnosima i Bečkom konvencijom o konzularnim odnosima, Ministarstvo utvrđuje prijedlog vanjske politike i sprovodi vanjsku politiku BiH.

Vanjska politika Bosne i Hercegovine usmjerena je ka unapređenju i očuvanju trajnog mira, sigurnosti i stabilnog demokratskog i sveukupnog državnog razvoja, odnosno uključivanju u savremene evropske, političke, ekonomske i sigurnosne integracione tokove.

U cilju promovisanja svojih strateških interesa, nastavit će transparentnu vanjsku politiku u saglasnosti sa sljedećim prioritetima (stubovima):

1. Sigurnost i stabilnost
2. Ekonomski prosperitet
3. Zaštita interesa državljana BiH u inostranstvu i međunarodna saradnja
4. Promocija BiH u svijetu

Stubovi vanjske politike Bosne i Hercegovine su strateški pravci djelovanja na osnovu navedenih načela i institucionalnog uređenja, a u okviru kojih će se raditi na ostvarivanju prioriteta i ciljeva kroz usmjerenja unutar kojih se razvijaju aktivne politike prema EU, NATO, regionu, globalnim pitanjima, međunarodnim organizacijama i sl.

Promocija Bosne i Hercegovine kao partnera u međunarodnim ekonomskim odnosima i aktivnosti koje će omogućiti prijem Bosne i Hercegovine u Svjetsku trgovinsku organizaciju (WTO) i druge međunarodne organizacije i asocijacije. MVP BiH kroz svoju DKP mrežu će intenzivnije da radi na poboljšanju imidža BiH na međunarodnom planu kroz:

- Sadržajnije i efikasnije učešće u značajnim međunarodnim događajima;
- Promociju turističkih i poslovnih putovanja u BiH;
- Promociju i razvoj koncepta "zemlje porijekla" za izvoznike roba i usluga;
- Bolji i opsežniji prikaz u međunarodnim medijima;
- Korištenje savremenih komunikacijskih tehnologija za promociju vrijednosti BiH;
- Dalje jačanje kulturnih odnosa s drugim državama i regijama.

Ministarstvo zastupa Bosnu i Hercegovinu u diplomatskim odnosima prema drugim državama u međunarodnim organizacijama i na međunarodnim konferencijama, kao članica ili posmatrač, kroz neposrednu komunikaciju sa diplomatskim i predstavništvima drugih država i misijama međunarodnih organizacija u Bosni i Hercegovini i obavlja stručne poslove u vezi sa tim, a posebno u sklopu sistema Ujedinjenih naroda (UN), Vijeća Evrope (VE), Organizacija za sigurnost i saradnju u Evropi (OSCE), Međunarodna agencija za atomsku energiju (IAEA), Organizacija islamske konferencije (OIC), Pokret nesvrstanih (NAM) i dr.

Ministarstvo obavlja poslove u vezi sa boravkom i zaštitom prava i interesa državljana Bosne i Hercegovine na stalnom i privremenom boravku u inostranstvu i domaćih pravnih lica u inostranstvu. Podstiče, razvija i koordinira saradnju sa dijasporom iz Bosne i Hercegovine.

Također, u saradnji sa nadležnim ministarstvima i institucijama prati međunarodna ekonomska kretanja i odnose i obavještava nadležne organe o tome, kao i o ekonomskim odnosima Bosne i Hercegovine sa pojedinim zemljama i regionima.

MVP BiH priprema dokumentaciju, analize, informacije i druge materijale za potrebe Predsjedništva Bosne i Hercegovine, Parlamentarne skupštine BiH, Vijeća ministara BiH i drugih nadležnih državnih organa.

POGLAVLJE 2: Vizija i Misija MVP BiH

Misija MVP BiH

Ministarstvo vanjskih poslova Bosne i Hercegovine nadležno je za provođenje utvrđene vanjske politike Bosne i Hercegovine koju obavlja putem diplomatsko-konzularnih predstavništava Bosne i Hercegovine u drugim državama i u/pri međunarodnim organizacijama. Za potrebe Predsjedništva Bosne i Hercegovine, Parlamentarne skupštine Bosne i Hercegovine, kao i Vijeća ministara, Ministarstvo vanjskih poslova daje mišljenje o vanjskopolitičkim interesima Bosne i Hercegovine, kao i prijedloge za pokretanje i razvijanje djelovanja u području vanjske politike i međunarodnih odnosa. Ministarstvo vanjskih poslova predstavlja Bosnu i Hercegovinu u drugim državama i međunarodnim organizacijama i institucijama, štiti interese Bosne i Hercegovine, njenih državljanja i pravnih osoba van Bosne i Hercegovine, razvija prijateljske odnose i saradnju između Bosne i Hercegovine i drugih država na političkom, ekonomskom, kulturno - obrazovnom, naučno – tehničkom, sportskom i informacijskom području, kao i na ostalim područjima od interesa za Bosnu i Hercegovinu.

Vizija MVP BiH

Vizija uspješnog djelovanja Ministarstva vanjskih poslova fokusirana je prema promociji i zaštiti interesa Bosne i Hercegovine u međunarodnim odnosima radi osiguranja blagostanja svih njenih građana, pune uključenosti u globalnu ekonomiju, te aktivnog učešća u odlučivanju o važnim globalnim pitanjima, posebno u osiguranju svjetskog mira i mirnog rješavanja međunarodnih kriznih situacija.

POGLAVLJE 3: Učesnici i partneri

3.1. Saradnja sa domaćim institucijama

Ministarstvo vanjskih poslova u skladu sa odredbama Ustava daje mišljenje o vanjskopolitičkim interesima Bosne i Hercegovine, kao i prijedloge za pokretanje i razvijanje djelovanja u području vanjske politike i međunarodnih odnosa za Predsjedništvo Bosne i Hercegovine, Parlamentarnu skupštinu Bosne i Hercegovine u dijelu koji se odnosi na djelovanje Komisije za vanjske poslove i Vijeća ministara Bosne i Hercegovine.

Napominjemo da je Ministarstvo vanjskih poslova Bosne i Hercegovine osnovano Zakonom o ministarstvima i drugim organima uprave Bosne i Hercegovine („Sl. glasnik BiH“, br. 5/03, 42/03, 26/04, 42/04, 45/06, 88/07, 35/09, 59/09 i 103/09) te nema eksternu - zakonsku resornu nadležnost ni nad jednom institucijom u BiH.

MVP saraduje sa svim državnim ministarstvima, agencijama i institutima u sastavu Vijeća ministara BiH, posebno u cilju ratifikacije međunarodnih Sporazuma iz domena (odbrane, unutrašnjih poslova, pravosuđa, vanjske trgovine, privredne i industrijske saradnje, civilnih poslova - zdravstva, nauke, tehnike, obrazovanja, kulture i sporta...), Direkcije za evropske integracije – DEI BiH, Ured za

zakonodavstvo BiH, Direkcija za ekonomsko planiranje, Agencija za zaštitu ličnih podataka, Agencija za promociju stranih investicija - FIPA BiH, entitetskim ministarstvima i sl. U pogledu ekonomske diplomatije, Ministarstvo intenzivno saraduje sa Ministarstvom vanjske trgovine i ekonomskih odnosa BiH, FIPA agencijom, entitetskim vladama i Vladom Brčko distrikta, te Vanjskotrgovinskom komorom BiH, entitetskim komorama i Privrednom komorom Brčko distrikta.

Ministarstvo vanjskih poslova BiH nastavlja dobru suradnju sa Agencijom za državnu službu i Direkcijom za europske integracije u oblasti usavršavanja kadrova, tako što državni službenici aktivno sudjeluju kako u općim obukama, koje su vezane za rad državnih službenika, tako i onim koje se odnose na procese europskih integracija BiH.

Podizanje nivoa interne i diplomatske obuke kadrova za period 2025. do 2027. godine planirano je kroz povećanje broja seminara koje će pohađati državni službenici Ministarstva i povećanje broja službenika i dužnosnika MVP BiH koji će završiti stručna usavršavanja.

Ministarstvo vanjskih poslova provodit će kontinuirano obrazovanje kadrova s namjerom stjecanja specifičnih znanja iz područja diplomatije, politika i funkcioniranja Europske unije, vanjske politike, međunarodnih odnosa i ekonomske diplomatije, te uvoditi nove i dorađivati postojeće informacijske tehnologije u svrhu sistemskog praćenja rada i daljnjeg povećanja učinkovitosti u radu.

Također, realiziranje ponuđenih konkursa za stipendiranje i razmjenu studenata, studijske boravke, učešće na seminarima, naučnim simpozijumima, sportskim takmičenjima i mnogobrojnim natjecanjima filmskih, likovnih i literarnih ostvarenja, provode se u saradnji sa Ministarstvom za civilne poslove BiH, nadležnim entitetskim ministarstvima, te nadležnim odjelima u Distriktu Brčko. Ministarstvo vanjskih poslova BiH će nastaviti saradnju u projektu edukacije na polju ekonomske diplomatije koje se već tradicionalno odvija od 2016. godine u saradnji sa Vanjskotrgovinskom komorom BiH.

3.2. Međunarodna saradnja

3.2.1. Ministarstvo vanjskih poslova BiH učestvuje u projektima međunarodne naučne, tehničke, obrazovne, kulturne i sportske saradnje u koordinaciji sa međunarodnim partnerima Indian Technical and Economic Cooperation Programme - ITEC, Malaysian Technical Cooperation Programme - MTCP, Singapore Cooperation Programme – SCP, Thailand International Cooperation Agency – TICA i drugim sličnim institutima. Radi se na uspostavljanju novih i intenziviranju postojećih programa saradnje visokoškolskih ustanova iz Bosne i Hercegovine sa sličnim ustanovama u drugim državama, kao i na novim programima stipendiranja za naše studente, razmjeni istraživača i profesora, te prezentovanju novih programa studiranja širom svijeta.

3.2.2. Ministarstvo vanjskih poslova i diplomatsko-konzularna predstavništva zemalja akreditovanih u BiH su u redovnoj komunikaciji i organiziraju programe sportskih takmičenja, festivala, izložbi, seminara, poslovnih foruma, te putovanja koja su bila u vezi sa navedenim događajima.

3.2.3. Ministarstvo vanjskih poslova Bosne i Hercegovine daje mišljenje, prijedloge i saglasnosti na programe saradnje sa drugim državama, izrađuje informacije, izvještaje i podsjetnike o statusu saradnje Bosne i Hercegovine sa drugim državama, te uspješno realizuje međunarodnu saradnju sa svojim partnerima i međunarodnim organizacijama.

3.2.4. Ministarstvo vanjskih poslova uspješno realizuje međunarodnu saradnju sa svim bilateralnim i multilateralnim partnerima kao i razvojnim agencijama.

POGLAVLJE 4: Osnovna programska opredjeljenja

4.1. Srednjoročni cilj

Srednjoročni cilj Ministarstva vanjskih poslova BiH je „Sprovođenje vanjske politike Bosne i Hercegovine iz domena MVP u svrhu realizacije vanjskopolitičkih ciljeva Bosne i Hercegovine.“

Ostvarivanje srednjoročnog cilja zasniva se na realizaciji specifičnih ciljeva kao i provođenju programa i projekata planiranih strateškim okvirom MVP BiH. Poseban fokus aktivnosti u kontekstu daljeg napretka Bosne i Hercegovine u procesu evropskih integracija i pristupanja Evropskoj uniji, bit će usmjeren na ispunjavanju obaveza koje prozilaze iz Odluke Evropskog vijeća iz marta 2024. godine o otpočinjanju pregovora sa Bosnom i Hercegovinom.

Ministarstvo će u narednom periodu nastaviti sa aktivnostima na daljoj institucionalizaciji i unaprijeđenju odnosa BiH sa NATO-om.

Uvažavajući okolnosti vezane za proces približavanja EU, Ministarstvo će u narednom periodu dodatno intenzivirati aktivnosti na lobiranju među zemljama članicama EU, radi redovnog i blagovremenog predstavljanja realnog napretka BiH u ispunjavanju preporuka iz Mišljenja Evropske komisije od 29.05.2019. godine.

Stalne društveno – političke promjene u međunarodnom okruženju, kao i izazovi globalnog načina poslovanja, pred Ministarstvo vanjskih poslova stavljaju nužnost prilagođavanja i moderniziranje u strukturnom, sadržajnom i u organizacijsko-tehničkom smislu.

Ministarstvo će, u tom kontekstu, posebno nastaviti sa intenziviranjem aktivnosti Bosne i Hercegovine na multilateralnom planu u cilju ostvarivanja vanjskopolitičkih ciljeva i interesa Bosne i Hercegovine, većeg vizibiliteta zemlje na međunarodnom planu, boljeg pozicioniranja kao pouzdanog, konstruktivnog i kredibilnog subjekta međunarodnih odnosa, te privlačnog privrednog partnera i destinacije za strana ulaganja.

4.1.a. Bilateralna saradnja

U narednom trogodišnjem periodu nastaviti će se aktivnosti na unapređivanju političkih odnosa sa susjednim zemljama, državama članicama EU, NATO i drugim strateški važnim zemljama svijeta, posebno stalnim članicama Vijeća sigurnosti OUN. Na političkom planu, specifičnom za BiH, predstavljamo i dalje značajan partner za sve zemlje članice Vijeća za implementaciju mirovnog sporazuma.

Na temelju obostrano izraženog interesa za dalje pospješivanje i unapređenje sveukupnih međunarodnih odnosa, MVP BiH će nastaviti da pripremama i realizacijama bilateralnih posjeta na visokom i najvišem nivou te redovnim održavanjima političkih konsultacija sa zainteresovanim stranama.

Ministarstvo će nastaviti da redovno prati i analizira globalna, evropska i regionalna kretanja u sferi politike, ekonomije i sigurnosti, a koja mogu biti od interesa za BiH i njene građane te identifikovane vanjskopolitičke prioritete.

Savremena zbivanja na globalnom i regionalnom nivou, uz nepredvidljivost, posljedično ostvaruju utjecaj po međunarodni poredak namećući potrebu za stalnim prilagođavanjima planiranih aktivnosti i angažmana Ministarstva u pogledu sadržaja u organizacijsko-tehničkom smislu. Unapređenje saradnje na bilateralnom nivou obuhvata jačanje političkog dijaloga i ekonomske saradnje, prenošenje znanja i iskustva između država regije, intenziviranje prekogranične i transnacionalne projektne saradnje i zajedničkih aktivnosti i podrške u regionalnim organizacijama i inicijativama te produblivanje saradnje s društvima prijateljstva.

Pored zastupanja interesa BiH i kontinuiranog jačanja političkih odnosa, jedan od bitnih zadataka Ministarstva će biti promoviranje bh ekonomije i njenih razvojnih mogućnosti. U oblasti ekonomske saradnje preduzimaće se dodatni naponi u cilju povećanja obima robne razmjene i ispravljanja trgovinskog debalansa na štetu BiH, kao i privlačenja stranih ulaganja u BiH. Posebna pažnja biće posvećena okončanju procedura oko zaključivanja bilateralnih sporazuma.

Ministarstvo vanjskih poslova, u saradnji s drugim nadležnim tijelima državne uprave i poslovnim udruženjima, aktivno učestvuje u promicanju i zaštiti ekonomskih interesa Bosne i Hercegovine u inostranstvu. Navedeno uključuje podršku bh privrednicima prilikom izlaska na strana tržišta i privlačenje stranih ulaganja, zajedno s mrežom diplomatsko-konzularnih predstavništva u inostranstvu, bh izvoznicima pomaže u traženju poslovnih partnera, pruža informacije o propisima i uslovima poslovanja, o raspisanim konkursima (izvozne prilike) i sajmovima, pomaže u organiziranju promotivnih događanja i posjeta službenim institucijama zemlje primateljice, usmjerava na dostupnu finansijsku i pravnu podršku, zalaže se za pravedan tretman te pruža pomoć pri rješavanju ostalih trgovinskih prepreka.

Istovremeno, BiH će nastaviti aktivno učestvovanje na ekonomskim platformama koje imaju za cilj privlačenje stranih investicija te infrastrukturno i ekonomsko povezivanje.

U periodu 2025-2027, zajedno sa međunarodnim partnerima, nastaviće se implementacija projekta digitalizacije ekonomske diplomatije, sa kojim Ministarstvo jača svoju ulogu podrške i promocije bh ekonomije i privrede u inostranstvu. Naročita pažnja posvećena je realizaciji bh interesa u zemljama izraženog uzajamnog ekonomskog interesa, jakih kulturnih veza i brojne bh dijasporu. Aktivnosti javne diplomatije doprinosiće oblikovanju pozitivnog imidža Bosne i Hercegovine u inostranstvu, razumijevanju njene vanjske politike i afirmaciji bh kulturnog identiteta. Razvoj ekonomske diplomatije usmjeren je na unapređenje bilateralnih ekonomskih odnosa, razvoj novih bilateralnih ekonomskih kontakata, kao i pospješivanje legislativnog okvira iz područja ekonomske saradnje.

Opredjeljenost Bosne i Hercegovine za članstvo u EU u skladu sa vanjskopoličkih prioritetima Bosne i Hercegovine, pored multilateralnih aktivnosti, nastavit će se jačati i unapređivati kroz bilateralne kontakte sa zemljama Zapadne Evrope, zemljama članicama EU, u cilju nastavka podrške narednim fazama u procesu EU integracije.

Otvaranje ambasada Kraljevine Belgije, Kraljevine Danske i Irske u Bosni i Hercegovini dodatno će ojačati bilateralne veze i saradnju Bosne i Hercegovine sa ovim zemljama.

Intenziviranje bilateralne saradnje sa susjednim državama, zatim državama članicama EU i NATO u cilju jačanja i unapređenja odnosa sa posebnim akcentom na osiguravanje dalje političke, savjetodavne i ekspertske podrške u integrativnim procesima. Sa susjednim zemljama ćemo intenzivirati rad na rješavanju otvorenih pitanja smatrajući da će ovaj proces ujedno poslužiti za stvaranje nove platforme na kojoj ćemo graditi buduće bilateralne odnose obilježene međusobnim povjerenjem i uvažavanjem, dobrosusjedskom saradnjom u svim područjima i rasterećene od nasljeđa prošlosti.

S obzirom na nedovoljno razvijene bilateralne odnose sa zemljama Centralne Azije, pristupiće se unapređenju bilateralnih odnosa, sa ekonomski bogatim zemljama poput Azerbejdža i Kazahstana, sa posebnim akcentom na zaključivanja bilateralnih sporazuma koji su u proceduri i inicirani u oblasti privredne saradnje.

S tim u vezi, u narednom trogodišnjem periodu, na osnovu Odluke Predsjedništva Bosne i Hercegovine pristupit će se otvaranju Ambasada BiH u NDR Alžiru, Tunisu, Kraljevini Maroku, Keniji, Brazilu, Slovačkoj, Azerbejdžan i Albaniji.

Promicanje saradnje u oblasti nauke i tehnologije, kulture, obrazovanja i sporta i turizma ostaje i dalje važan segment za uključivanje Bosne i Hercegovine u dinamične savremene svjetske tokove.

4.1.b. Multilateralna saradnja

Položaj Bosne i Hercegovine u geostrateškom smislu uslovljava i prioritete njenog vanjskopolitičkog nastupanja, posebno multilateralne prirode.

Pridruživanje BiH Evropskoj uniji je cilj kome se BiH formalno posvetila potpisivanjem Sporazuma o stabilizaciji i pridruživanju (SSP) 2008. godine. Članstvo u Evropskoj uniji potvrđeno je kao jedan od glavnih strateških ciljeva i najvažniji vanjskopolitički prioritet utvrđen Strategijom vanjske politike Bosne i Hercegovine.

Svjesni značaja koje ima Sporazum o stabilizaciji i pridruživanju za BiH, MVP ostaje posvećen njegovoj provedbi kao i ispunjavanju obaveza koje proizilaze iz njega. Potpuna i učinkovita implementacija Sporazuma preduslov je za ocjenu EU o perspektivi pristupanja zemlje, a kontinuiran rad zajedničkih tijela uspostavljenih Sporazumom, uključujući Vijeća za stabilizaciju i pridruživanje, prilika su za dalje jačanje odnosa EU i BiH, te dalji progres Bosne i Hercegovine u procesu evropskih integracija.

U aktivnostima na provođenju vanjskopolitičkih aspekata SSP-a, a s obzirom na sticanje kandidatskog statusa i Odluke Evropskog vijeća iz marta 2024. godine da otpočne pregovore s Bosnom i Hercegovinom za članstvo u EU, obaveza je progresivnog usklađivanja vanjske politike zemalja kandidata sa Zajedničkom vanjskom i sigurnosnom politikom EU.

Imajući u vidu prijedlog Nizozemske upućen Evropskoj komisiji o modificiranoj metodologiji proširenja, po kojoj bi usklađivanje sa vanjskom politikom EU postalo eliminatorni kriterij za dalji napredak u pregovorima, potrebno je intenzivirati napore u cilju uspostave jasne politike i nužnog korigovanja stavova glede pridruživanja izjavama, deklaracijama, zajedničkim stavovima, i restriktivnim mjerama EU, te kvalitetnog mehanizma koordiniranja primjene tih mjera. BiH će redovno izvještavati nadležna tijela EU i države članice EU kako o ovim aktivnostima tako i o svim procesima na provođenju neophodnih reformi.

Bosna i Hercegovina je snažno opredjeljena za jačanje regionalne saradnje i izgradnje povjerenja u regionu, a sve u sklopu njenog strateškog vanjskopolitičkog cilja – punopravnog članstva u EU. Regionalna inicijativa može biti dobra platforma za borbu sa izazovima, posebno kada je u vlasništvu regiona, pod uslovom da doprinosi evropskim integracijama, te nadograđuje aspekte postojećih sporazuma i inicijativa. Bosna i Hercegovina će učestvovati u procesima regionalne saradnje isključivo na principima očuvanja suvereniteta i nezavisnosti, kao i jednake koristi za sve, uz očuvanje procesa integracije u EU, kao primarnog cilja sa kojim svaka regionalna inicijativa mora biti kompatibilna. Neosporno je da se kreiranjem otvorenih granica za legalan protok ljudi, roba, usluga i kapitala jača ekonomska integracija, te ubrzava ekonomski rast, ali skrećemo pažnju da je neophodno prethodno osigurati da su granice utvrđene, jake i zaštićene s ciljem sprječavanja svih oblika prekograničnog kriminala.

Takođe, u skladu s relevantnim odredbama SSP-a, politički dijalog će se nastaviti odvijati i u multilateralnom okviru. Regionalni forumi i inicijative u koji su uključene sve zemlje regiona, poput formata Evropska unija – Zapadni Balkan, na kojima se podstiče jačanje i produbljivanje regionalne saradnje, svakako će biti u fokusu rada jer doprinose trajnoj stabilizaciji odnosa u regiji, te ubrzavaju procese evropskih integracija na Zapadnom Balkanu i osnažuju saradnju sa NATO-om a ujedno doprinose poboljšanju i institucionalizaciji međusobne saradnje.

Uspješan rad Ministarstva na polju saradnje BiH sa međunarodnim organizacijama i kvalitetnim priprema za učešće delegacija BiH na istim u značajnoj mjeri uslovljeni su saradnjom i koordinacijom rada sa nadležnim institucijama u BiH. Blagovremena razmjena informacija i redovno izvještavanje o učešću predstavnika nadležnih institucija, posebno Predsjedništva BiH, Vijeća ministara BiH,

Parlamentarne skupštine BiH i ostalih aktera na međunarodnim skupovima i dešavanjima, osnova je za kvalitetno izvršavanje obaveza MVP-a BiH u skladu sa svojim nadležnostima.

Pratit će se rad OUN i međunarodnih organizacija kojih je BiH član, kako posredstvom Stalnih misija BiH u Njujorku, Beču i Ženevi, ambasada u Parizu, Rimu i Londonu, tako i izravno, učešćem diplomata iz sjedišta na konferencijama i sastancima. Takođe će se pravovremeno dostavljati UN i drugim organizacijama periodična izvješća, što je obaveza koja proističe iz našega članstva u ovim organizacijama. Nadalje, koordinirati će se aktivnosti u vezi sa zahtjevima za potporu raznim kandidaturama u tijelima UN i dr. međunarodnih organizacija koje BiH zaprima od drugih država-članica, te u skladu sa postignutim dogovorom i eventualnim razmjenama podrška slati instrukcija za glasanje našim DKP.

Ministarstvo će u narednom trogodišnjem periodu blisko saradivati sa UN-ovim Razvojnim programom (UNDP) na provođenju Okvira saradnje za održivi razvoj između UN i BiH za period 2021 - 2025. Navedeni dokument predstavlja strateški okvir partnerstva između Ujedinjenih nacija u BiH i Bosne i Hercegovine na rješavanju potreba i provedbi prioriteta u domenu održivog razvoja u BiH.

Odgovornim i profesionalnim radom na evidenciji svih zahtjeva institucija BiH, Ministarstvo će nastaviti pružati svoj doprinos u cjelokupnom procesu plaćanja kontribucija u međunarodnim organizacijama u kojima je BiH članica ili je aktivna u ulozi posmatrača. Na taj način Bosna i Hercegovina će dodatno ojačati svoj imidž odgovorne članice globalne međunarodne zajednice koja i svojim finansijskim sredstvima omogućava i olakšava funkcionisanje multilateralnog sistema.

Pitanje primjene ratifikovanih međunarodnih pravnih instrumenata od strane BiH, a prije svega izvještavanje u skladu sa odredbama tih instrumenata o primjeni konvencija dobija sve veći značaj, te će u vezi sa tim i djelovanje bh institucija biti usklađivano. Neophodno je intenzivirati aktivnosti na pripremi i održavanju multilateralnih konsultacija BiH, posebno sa zemljama od strateškog interesa za zemlju u cilju razmjene informacija, iskustava i unapređenja rada MVP-a.

U sklopu rada Organizacije za saradnju i sigurnost u Evropi (OSCE), Bosna i Hercegovina će nastaviti svoje aktivno djelovanje, kroz saradnju sa Misijom OSCE u BiH, kao i putem Stalne misije BiH pri OSCE u Beču. Forum za sigurnosnu saradnju se bavi pitanjima koja treba da jačaju vojnu sigurnost i stabilnost u području koje pokriva OSCE, te se bavi pitanjima kontrole naoružanja, kao i mjerama izgradnje i jačanja povjerenja. Ministarstvo će nastaviti pripremati jedan od ključnih dokumenata i mehanizama u sklopu FSC - Kodeks o vojnopoličkim aspektima sigurnosti, koji osigurava demokratsku kontrolu nad snagama sigurnosti država u OSCE regionu i sa svojom koordinirajućom ulogom, na nivou institucija BiH, na temu pripreme i razmjene informacija koje pripremaju institucije BiH u vezi s razmjenom informacija između svih država učesnica OSCE po određenim tematskim cjelinama, a u sklopu sveobuhvatnih mjera za izgradnju povjerenja i sigurnosti (tzv. „CSBMs“).

Bosna i Hercegovina će također nastaviti svoje djelovanje u sklopu ljudske dimenzije OSCE, kroz proaktivnu saradnju sa Uredom za demokratske institucije i ljudska prava OSCE-a (ODIHR), kroz aktivno učešće u posmatračkim misijama ODIHR-a, kao i kroz kontinuirano djelovanje u sklopu OSCE terenskih misija u svijetu.

Ministarstvo vanjskih poslova nastavit će saradnju i koordinaciju zajedničkog programa Evropske unije i Vijeća Evrope programa "Horizontal Facility III za Zapadni Balkan i Tursku 2023- 2026." (HFIII), koji predstavlja važan mehanizmom koji pomaže BiH u procesu provođenja reformi u oblasti demokratije, ljudskih prava i vladavine prava, te koji ujedno pomaže BiH na putu ka EU. U okviru svojih nadležnosti, koordinirat će pravovremeno dostavljanje periodičnih izvještaja, kao i nominacija za učešće u radu tijela Vijeća Evrope.

Bosna i Hercegovina će nastaviti aktivno učestvovati u radu i na sastancima tijela regionalnih organizacija i inicijativa, posebno RCC, SEECF, CEI, JJI, EUSAIR, Unija za Mediteran i ALF, MARRI, RACVIAC, WBF, EUSDR. Tokom 2025. godine Bosna i Hercegovina će predsjedavati EUSDR (Strategijom EU za Dunavski region).

Prioriteti EUSDR se odnose na poboljšanje mobilnosti i intermodalnosti saobraćaja unutrašnjim plovnim putevima, željezničkim, cestovnim i zračnim vezama, podršku razvoju održive energije, jačanje kulturne saradnje, turizma i kontakata među ljudima, očuvanje kvaliteta voda, upravljanje rizicima po životnu sredinu, očuvanje bioraznolikosti, kvaliteta vazduha i tla, razvoj društva kroz naučna istraživanja, obrazovanje i informacione tehnologije, jačanje konkurentnosti preduzeća, ulaganje u ljude i vještine, jačanje institucionalnih kapaciteta i saradnje, te sigurnost i borbu protiv organizovanog kriminala. Jedan od tematskih prioriteta svih predsjedavanja zadnjih godina je podrška procesu proširenja Evropeke unije. Također, Bosna i Hercegovina će nastaviti aktivno učestvovati u Berlinskom procesu i inicijativama i formatima saradnje koji su proizašli iz Berlinskog procesa.

Posebna pažnja će se posvetiti kosponsoriranju, pridruživanju i podršci tematskim i specifičnim EU rezolucijama i izjavama (statementima) koje se odnose na jačanje zaštite ljudskih prava na globalnom nivou, a koje se usvajaju/predlažu na sesijama nadležnih multilateralnih tijela UN, što je u skladu sa vanjsko-političkim prioritetima BiH i implementacijom obaveza iz SSP-a, kao i obaveza koje za BiH proizilaze iz ratificiranih međunarodnih instrumenata za zaštitu ljudskih prava,

Neophodno je intenzivirati aktivnosti za prijem Bosne i Hercegovine u Svjetsku trgovinsku organizaciju (WTO), što će otvoriti vrata za uključivanje u globalne trgovinske tokove.

U narednom periodu, BiH će raditi i na daljem intenziviranju saradnje sa Međunarodnom organizacijom za Frankofoniju (OIF). Produbljivanje saradnje sa OIF je izuzetno korisno s obzirom da IAF predstavlja veoma značajnu platformu za uspostavu/unapređenje političkih, privrednih i kulturnih odnosa BiH sa velikim brojem zemalja članica IAF, posebno sa Afričkog kontinenta u kojima BiH nema DKP.

Ministarstvo vanjskih poslova će zajedno sa ostalim državnim nadležnim institucijama BiH u narednom periodu intenzivirati dijalog i saradnju sa NATO u skladu sa stateškim opredjeljenjem vanjske politike BiH. Nastaviće se koordinacija nadležnih ministarstava i agencija na državnom nivou kroz Povjerenstvo/Komisiju za unapređenje saradnje sa NATO Vijeća ministara BiH. Ovaj pristup će se nastaviti kako bi se osigurao kontinuitet i koordinacija sa akterima čiji je rad od vitalnog značaja za reforme koje se provode i koje su pobrojane u Programu reformi. Kroz svoj rad će podržavati i spremno je doprinijeti kolektivnoj sigurnosti i stabilnosti u regiji Europe, smanjenju okolnosti koje prijete miru i posvećena je saradnji i poštivanju temeljnih demokratskih vrijednosti.

Nastaviće se korištenje mehanizama za saradnju sa BiH i NATO kroz :

- Individualni partnerski program - IPP
- Individualni Partnerski Akcioni Plan - IPAP
- Proces planiranja i revizije - PARP
- Intenzivirani dijalog – ID

U planu je redovno održavanje bilateralnih konsultacija po specifičnim oblastima sa zemljama okruženja, članicama NATO ili kandidatima za članstvo, te analiza obavljenih konsultacija. Proces implementacije zakonskih i podzakonskih akata iz nadležnosti ministarstava i institucija BiH za provođenje PFP SOFA će biti nastavljena i u narednom periodu.

Ministarstvo nastavlja da unapređuje odnose sa NATO kroz praktičnu saradnju i redovan politički dijalog na najvišem nivou. Korištenjem raspoloživih mehanizama saradnje kao što su Program reformi na godišnjem nivou, PARP, PCM Lista aktivnosti, i dr., sa relativno visokim stepenom implementacije planiranih aktivnosti i ostvarenog progressa, o čemu svjedoče zajedničke periodične procjene koje se rade sa Saveznicima.

Program reformi Bosne i Hercegovine sadrži tekstualni i tabelarni prikaz planiranih aktivnosti nadležnih institucija u BiH, u vezi sa političkim i ekonomskim pitanjima, odbrambenim i pitanjima sigurnosti, te resursima i pravnim pitanjima. U narednom period "Program reformi BiH" će se ažurirati, te usklađivati zadaci i ciljevi na godišnjem nivou.

Značaj Američko-jadranske povelje (the US-Adriatic Charter, A-5) kao instrumenta za unapređenje saradnje u oblasti sigurnosti, odbrane i zajedničkog odgovora na krizne situacije će biti naročito bitan u dostizanju interoperabilnosti, te praćenje NATO politike „Otvorenih vrata“. U tom smislu regionalni pristup će proizvesti različite mehanizme, kako na nivou ministara vanjskih poslova i odbrane, načelnika generalštabova, predsjednika vanjskopolitičkih odbora parlamenata i političkih direktora ministarstava vanjskih poslova, a sve u cilju jačanja regionalne saradnje, sigurnosti, te temeljnih načela i vrijednosti demokratskog društva. Bosna i Hercegovina će predsjedavati skupovima A5 u 2025. godini.

Ključni prioriteti za BiH u saradnji s NATO uključuju jačanje saradnje sa evropskim i evroatlantskim strukturama, vladavinu zakona, demokratsku kontrolu oružanih snaga i obavještajno-sigurnosnog sistema, reformu odbrambenog sektora, planiranje i budžetiranje odbrane, vojnu interoperabilnosti, upravljanje ljudskim resursima, upravljanje kriznim situacijama i civilno planiranje za hitne slučajeve, sigurnost sistema i zaštite podataka i javnu diplomatiju.

Takođe, Ministarstvo će predstavljati BiH na sastancima i konferencijama iz oblasti Konvencije o zabrani hemijskog oružja, Konvencije o zabrani biološkog/bakteriološkog i toksičnog oružja, Ugovora o neširenju nuklearnog oružja, Ugovora o sveobuhvatnoj zabrani nuklearnih proba i ostalim, Globalne inicijative za borbu protiv nuklearnog terorizma itd.

S ciljem daljeg razvijanja dobrih odnosa, postizanja trajne stabilnosti, sigurnosti i ekonomskog prosperiteta, posebna će pažnja biti usmjerena na aktivnosti u okviru regionalne i subregionalne saradnje.

U skladu sa interesima i potrebama Bosne i Hercegovine saradivati će se sa Organizacijom američkih država (OAS), Organizacijom afričkog jedinstva (OAU), Asocijacijom država Latinske Amerike (ALADI), Asocijacijom država Jugoistočne Azije (ASEAN) i drugima.

4.1.c. Konzularna saradnja

Zaštita interesa državljana Bosne i Hercegovine u inostranstvu

Poseban cilj vanjskopolitičkih aktivnosti Bosne i Hercegovine će i dalje biti pružanje konzularne zaštite i konzularne pomoći fizičkim i pravnim licima iz Bosne i Hercegovine u inostranstvu, u okviru nadležnosti Ministarstva vanjskih poslova. S tim ciljem će se i ubuduće inicirati postizanje bilateralnih sporazuma u oblasti konzularne, radno-pravne i imovinske zaštite građana Bosne i Hercegovine u inostranstvu. Takođe će se učestvovati u pripremanju i prihvatanju konvencija i ostalih međunarodnih dokumenata, praćenje rada ostalih institucija i provedba propisa koje se tiču građana i izvještavanje konzularne mreže o tome. Raditi na unapređenju elektronske komunikacije Ministarstva i DKP Bosne i Hercegovine u poslovima koji se odnose na pružanje redovnih konzularnih usluga, sa kvalitetnim obučavanjem zaposlenih koji odlaze na rad u DKP BiH u oblasti međunarodnopravne pomoći i konzularne zaštite, posebno cijeneći potrebu ujednačavanja prakse rada DKP-a BiH u konzularnoj oblasti, te otklanjanja uočenih propusta u radu.

Planirati analizu i unapređenje poslova legalizacije javnih isprava i primjenu zakona o legalizaciji elektronskog potpisa i pečata, kako bi se omogućilo praćenje savremenih tokova legalizacije isprava u evropskim i drugim državama.

U državama gdje ne postoji DKP BiH, na osnovu međunarodnog prava i u saradnji sa zemljama iz regije JIE, radiće se na stvaranju uslova za pružanje konzularne zaštite bh državljanima putem DKP –a trećih zemalja.

Dodatno, u konzularnom području potrebno je intenzivirati edukaciju službenika zaduženih za obavljanje poslova konzularnog kriznog upravljanja koji obuhvaćaju pružanje konzularne pomoći i zaštite, ne samo bh državljanima, već pod određenim uslovima i u odnosu na pojedine konzularne funkcije, pružanje konzularne pomoći i zaštite državljanima drugih država.

Normativne aktivnosti:

- Izrada novog Pravilnika o izdavanju viza za dugoročni boravak (D) i postupanju kod izdavanja takvih viza,
- Uvođenje akvizicije biometrijskih podataka prilikom izdavanja viza u DKP BiH,
- Nastaviti aktivnosti u posredovanju izdavanja viza, odricanja od državljanstva i poništenja putnih isprava,
- Prilagoditi zakonsku regulativu i podzakonske akte koji će omogućiti izdavanja izvoda iz matičnih knjiga u diplomatsko-konzularnim predstavništvima BiH i uvjerenja o državljanstvu
- Planirati izradu priručnika/instrukcije sa svim zakonskim i podzakonskim aktima koje treba da koriste konzuli i konzularni službenici u DKP.
- Nastaviti učešće u radu radnih grupa za izradu bh pravnih propisa s aspekta nadležnosti MVP BiH kao i pripremi prijedloga mjera za sprječavanje ilegalne migracije,
- Nastaviti aktivnosti na reviziji bilateralnih ugovora preuzetih sukcesijom,
- Nastaviti proceduru zaključivanja međunarodnih bh ugovora u skladu sa nadležnostima ministarstva utvrđenim Zakonom o postupku zaključivanja i izvršavanja međunarodnih ugovora,
- Obavljati postupak ratifikacije međunarodnih ugovora i njihovo objavljivanje u Službenom glasniku BiH,
- Sačinjavati i prosljeđivati depoziteru instrumente o ratifikaciji, pristupanju ili prihvatanju međunarodnih ugovora,
- U skladu sa Zakonom davati mišljenja na međunarodne ugovore i njihovoj usklađenosti sa Zakonom i normama međunarodnog prava,
- Voditi postupak saznanja stranog prava u pitanjima sticanja vlasništva na nekretninama,
- Učestvovati u radu CAHDI-a, pravnog komiteta VE
- Nastaviti učešće u radu Savske komisije u dijelu koji se odnosi na nadležnosti MVP BiH
- Nastaviti učešće u radu interresornih radnih grupa, mješovitih komisija/odbora/komiteta koji su formirani temeljem bilateralnih međunarodnih ugovora BiH i drugih država, te državnih delegacija

Konzularne konsultacije

Ministarstvo daje mišljenja na međunarodne sporazume, ratifikuje međunarodne ugovore, depozitar je svih međunarodnih ugovora - originala i vodi bazu podataka o istom, učestvuje na pregovorima za zaključivanje ugovora i učestvuje na međunarodnim konferencijama iz oblasti međunarodnog prava.

4.1.1. Specifični cilj 1.1

Unapređenje političkih i ekonomskih odnosa Bosne i Hercegovine

Ministarstvo vanjskih poslova će ovaj specifični cilj realizirati kroz navedeni program:

P.1.1.1. Provođenje vanjske politike BiH

Radi ostvarenja provođenja vanjske politike Bosne i Hercegovine u periodu 2025. - 2027. godine potrebno je nastaviti razvoj službe vanjskih poslova kao jednog od glavnih sredstava za njeno ostvarenje te izvršiti prilagođavanje novonastalim tranzicijskim okolnostima. Takav proces moguće je ostvariti samo daljnjim unapređenjem postojećeg normativnog okvira, kontinuiranim obrazovanjem kadrova i tehnološkim razvojem službe kroz dostizanje tehničkih standarda koji vrijede u Evropskoj uniji i svijetu.

4.2.2. Specifični cilj 1.2

Unapređenje sistema zaštite i interesa Bosne i Hercegovine, njenih građana i pravnih lica u inostranstvu

Ministarstvo vanjskih poslova će ovaj specifični cilj realizirati kroz program:

P.1.1.2. Zastupanje i zaštita prava i interesa građana i pravnih lica Bosne i Hercegovine u inostranstvu i razvoj međunarodno-pravne saradnje

Zaštita bh državljana, njihovih interesa sa boravkom u inostranstvu i pomoć privrednim subjektima koji posluju na tržištima drugih država je jedna od osnovnih funkcija diplomatsko-konzularne mreže. U okviru međunarodnopravne pomoći nastaviti sa posredovanjem između nadležnih pravosudnih institucija Bosne i Hercegovine i drugih država, te pružati konzularnu pomoć i konzularnu zaštitu fizičkim i pravnim licima iz Bosne i Hercegovine u inostranstvu, koordinirati realizaciju zahtjeva građana BiH iz oblasti konzularne zaštite kako u državi tako i u inostranstvu.

Konzularna predstavništva BiH pored navedene funkcije treba da rade na unapređenju ekonomskih odnosa, promovišu kulturnu baštinu BiH, te podstiču komunikaciju i saradnju sa dijasporom i njenim udruženjima i klubovima.

POGLAVLJE 5: Resursi i kapaciteti potrebni za postizanje ciljeva

5.1. Finansijska sredstva

Budžet Ministarstva vanjskih poslova Bosne i Hercegovine se sastoji od sredstava iz budžeta institucija Bosne i Hercegovine. Zahtjevom Dokumenta okvirnog budžeta Ministarstva vanjskih poslova Bosne i Hercegovine za period 2025 – 2027 godine definisana su potrebna sredstva za rad, kako slijedi:

Zahtjev Ministarstva inostranih poslova Bosne i Hercegovine za sredstvima, po godinama, je:

- u 2025. godini u iznosu od KM 93.462.000;
- u 2026. godini u iznosu od KM 92.517.000;
- u 2027. godini u iznosu od KM 84.576.000.

Programsku strukturu budžeta Ministarstva inostranih poslova BiH za ovaj srednjoročni period čine dva programa:

1. 1501020 - Provođenje vanjske politike Bosne i Hercegovine
2. 1501030 - Zastupanje i zaštita prava i interesa građana i pravnih lica Bosne i Hercegovine u inostranstvu i razvoj međunarodno pravne saradnje.

Specifični ciljevi Ministarstva vanjskih poslova BiH za period 2025 – 2027. godine realizovati će se kroz dva programa Dokumenta okvirnog budžeta MVP BiH za period 2025 – 2027. godine, i to:

- Specifični cilj 1 - Unapređenje političkih i ekonomskih odnosa Bosne i Hercegovine kroz program I i
- Specifični cilj 2 - Unapređenje sistema zaštite interesa Bosne i Hercegovine, njenih građana i pravnih lica u inostranstvu kroz program II.

Prilikom izrade Dokumenta okvirnog budžeta za period 2025-2027. godine nije planirano finansiranje rashoda neposredne potrošnje iz donacija.

U 2025. godini za realizaciju Specifičnog cilja 1 planirana su sredstva u iznosu od KM 78,270,000 kroz program I Dokumenta okvirnog budžeta, dok su za realizaciju Specifičnog cilja 2 planirana sredstva u iznosu KM 15.192,000 kroz program II Dokumenta okvirnog budžeta.

5.2. Ljudski resursi

Ministarstvo vanjskih poslova BiH (u daljnjem tekstu: Ministarstvo) je organ uprave koji je osnovan Zakonom o ministarstvima i drugim organima uprave Bosne i Hercegovine („Sl. glasnik BiH“, br. 5/03, 42/03, 26/04, 42/04, 45/06, 88/07, 35/09, 59/09 i 103/09). Nadležnosti Ministarstva utvrđene su članom 8. navedenog Zakona.

U skladu sa Ustavom Bosne i Hercegovine, važećim propisima, Bečkom konvencijom o diplomatskim odnosima i Bečkom konvencijom o konzularnim odnosima, Ministarstvo utvrđuje prijedlog vanjske politike i sprovodi vanjsku politiku BiH.

Unutrašnja organizacija Ministarstva utvrđena je Pravilnikom o unutrašnjoj organizaciji MVP-a BiH br: 09-02-35317/12 iz marta 2013. godine i Pravilnikom o izmjenama i dopunama Pravilnika o unutrašnjoj organizaciji MVP-a BiH br.09/1-21-32-35957/18 iz novembra 2018. godine.

U Ministarstvu je ukupno sistematizovano 658 radnih mjesta, od čega u sjedištu Ministarstva 288 radnih mjesta, a u DKP-ima BiH 370 radnih mjesta. Međutim, Zakonom o budžetu institucija BiH i međunarodnih obaveza BiH je ukupan broj zaposlenih u MVP-a BiH ograničen na 520, te je mogućnost novog zapošljavanja ograničena.

Na osnovu Odluke Predsjedništva Bosne i Hercegovine za otvaranje novih diplomatsko konzularnih predstavništava BiH u svijetu, predviđeno je povećanje broja zaposlenih na 702 sistematizovana radna mjesta (sjedište Ministarstva 288 radna mjesta, a DKP 414 radnih mjesta).

Poslovi u sjedištu Ministarstva obavljaju se u okviru osnovnih organizacionih jedinica – Kabineta ministra, Kabineta zamjenika ministra, Sektora, Odjela, i Ureda kao osnovnih organizacionih jedinica. U okviru Sektora i Odjela kao osnovnih organizacionih jedinica organiziraju se odsjeci kao unutrašnje organizacione jedinice.

U okviru Sektora za opće poslove organiziran je Odsjek za pravne, kadrovske i prevodilačke poslove u kojem se dijelom obavljaju poslovi iz domena upravljanja ljudskim resursima. Međutim, upravljanje ljudskim resursima je disciplina koja se bavi svestranim sagledavanjem problematike upravljanja ljudskim resursima - od planiranja potreba za njima, optimalnog raspoređivanja, vođenja i motivisanja, do njihove zaštite i unapređenja, što trenutno nije moguće realizovati u Odsjeku na cjelovit način.

Donošenje Zakona o vanjskim poslovima BiH, te izmjena postojeće sistematizacije, odnosno donošenje nove, predstavlja osnovu za efikasniji i bolji rad Ministarstva, a u skladu sa Strategijom vanjske politike Bosne i Hercegovine.

POGLAVLJE 6: Okvir za praćenje provođenja plana i evaluaciju rezultata

6.1. Ključni pokazatelji

Za realizaciju gore navedenih ciljeva, programa i projekata definisani su sljedeći ključni pokazatelji uspjeha/rezultata:

CILJEVI		POKAZATELJI USPJEHA/ REZULTATA
<p><u>Srednjoročni cilj</u></p> <p>Sprovođenje vanjske politike Bosne i Hercegovine iz domena MVP u svrhu realizacije vanjskopolitičkih ciljeva</p>		<p>Učesvovanje u aktivnosti na provođenju prioriteta vanjske politike - EU,NATO, Regionalna saradnja</p> <p>Jačanje bilateralnih odnosa i unapređenje multilateralne saradnje u svrhu realizacije vanjskopolitičkih ciljeva BiH (susreti na svim nivoima,konsultacije,posjete,sastanci)</p> <p>Poboljšanje zaštite interesa državljana BiH u inostranstvu i razvoj međunarodno-pravne saradnje</p> <p>Razvoj normativnih, infrastrukturnih i stručnih resursa MVP</p>
<p><u>Specifični cilj 1.1</u></p> <p>Unapređenje političkih i ekonomskih odnosa BiH</p>		<p>Ostvarivanje utvrđenih vanjskopolitičkih ciljeva kroz realizaciju inicijativa u okviru EU, ZVSP i međunarodnih organizacija (UN, NATO, OSCE, VE, OECD i dr.)</p>
<p><u>Program 1.1.1</u></p>		
<p style="text-align: center;">PROVOĐENJE VANJSKE POLITIKE BOSNE I HERCEGOVINE</p>	<p><i>Projekat 1.1.1.1</i></p>	
	<p>Razvoj političkih i ekonomskih odnosa</p>	<p>Bilateralne posjete, susreti, kontakati, političke konsultacije i ekonomski forumi. Praćenje stanja diplomatskih odnosa BiH izvještavanje Parlamenta BiH, Predsjedništva BiH i VM BiH</p>
	<p><i>Projekat 1.1.1.2</i></p>	
	<p>Ispunjavanje obaveza iz SSP koje su nadležnosti MVP BIH</p>	<p>Redovne političke konsultacije sa Službom za vanjske poslove EU, kao i sa ostalim nadležnim institucijama EU, pridruživanje zajedničkim izjavama/restruktivnim mjerama, učešće na EU sastancima s partnerskim državama i asocijacijama, u radnim tijelima EU i drugim relevantnim EU formatima</p>
<p><i>Projekat 1.1.1.3</i></p>		

	Nastupi i promocija BiH kao i doprinos jačanju multilateralizma na globalnom nivou	Učešće i zastupanje interesa BiH u međunarodnim organizacijama i institucijama/povećanje međunarodnog vizibiliteta BiH, kao kredibilnog partnera u međunarodnim odnosima
	<i>Projekat 1.1.1.4</i>	
	Razvoj političkog dijaloga sa NATO	Održavanje političkih konsultacija sa članicama NATO i PfP - sastanci na najvišem nivou.
	<i>Projekat 1.1.1.5</i>	
	Promicanje ekonomskih odnosa, javne diplomatije i projekti naučne, obrazovne, kulturne i sportske saradnje	Promocija ekonomskih interesa i javne diplomatije (organizovanje poslovnih događaja u BiH i inostranstvu, učešće na međunarodnim događajima, promocija turizma i jačanje kulturnih odnosa), podizanje nivoa interne i diplomatske obuke kadrova.
	<i>Projekat 1.1.1.6</i>	
	Razvoj MVP BiH	Unapređenje rada MVP kupovinom novih objekata DKP-a/preuzimanjem objekata dobivenih sukcesijom, razvojem informacionog sistema praćenog kroz pravni okvir
<u>Specifični cilj 1.2</u>		
Unapređenje sistema zaštite interesa Bosne i Hercegovine, njenih građana i pravnih lica u inostranstvu		Funkcionisanje sistema pružanja konzularne zaštite usklađenog sa standardima
<u>Program 1.1.2</u>		
ZASTUPANJE I ZAŠTITA PRAVA I INTERESA GRAĐANA I PRAVNIH LICA BOSNE I HERCEGOVINE U INOSTRANSTVU I RAZVOJ MEĐUNARODNO-PRAVNE SARADNJE	<i>Projekat 1.1.2.1</i>	
	Pružanje konzularnih usluga građanima BiH u inostranstvu i stranim državljanima u BiH, uvođenje novih tehnologija, unapređenje procesa usluga koje se pružaju, nadogradnja sistema za izdavanje viza	Izdavanje putnih isprava, viza, određivanje i evidentiranje JMB, prijem zahtjeva za odricanje od BH državljanstva, provjere identiteta i državljanstva. Statusna, socijalna pitanja, izdavanje sprovednica, upis u matične knjige i dr.
	<i>Projekat 1.1.2.2</i>	
	Pružanje međunarodne pravne pomoći, konzularne zaštite i konzularne pomoći fizičkim i pravnim licima iz BiH u inostranstvu, kao i stranim fizičkim i pravnim licima iz inostranstva u BiH	Procenat obrađenih zahtjeva konzularne zaštite i konzularne pomoći fizičkim i pravnim licima iz BiH u inostranstvu., učestvovanje u provođenju sporazuma o readmisiji
	<i>Projekat 1.1.2.3</i>	
	Učešće u postupcima zaključivanja i ratifikacije međunarodnih ugovora i promicanju poštivanja i primjene međunarodnog prava	Procenat izdatih mišljenja na međunarodne sporazume, ratifikacije međ.ugovora, broj učešća na pregovorima za zaključivanje ugovora kao i na međunarodnim konferencijama iz oblasti međunarodnog prava

6.2. Praćenje izvršenja i evaluacija Srednjoročnog plana rada

Izvršenje Srednjoročnog plana rada Ministarstva vanjskih poslova Bosne i Hercegovine pratiće se putem redovnih godišnjih izvještaja na osnovu izvještaja o izvršenju godišnjih planova.

Ministarstvo će pripremiti Izvještaj o provođenju Srednjoročnog plana rada institucije BiH i dostaviti isti Ministarstvu finansija i trezora BiH i Direkciji za ekonomsko planiranje BiH najkasnije do 15. februara tekuće godine.

Svake tri godine Ministarstvo će pripremiti Izvještaj o evaluaciji provođenja Srednjoročnog plana rada i dostaviti ga Ministarstvu finansija i trezora BiH i Direkciji za ekonomsko planiranje BiH najkasnije do 1.maja.

Prilog 1: Akcioni plan Srednjoročnog plana rada Ministarstva vanjskih poslova BiH 2025-2027

Broj: 10/1-02-4-20874/24

Datum: 12.06.2024. godine



MINISTAR

Elmedin Konaković